

<b>CYNGOR SIR YNYS MÔN</b>	
<b>Adroddiad i:</b>	Pwyllgor Sgriwtini Corfforaethol a Pwyllgor Gwaith
<b>Dyddiad:</b>	12 <sup>fed</sup> o Fedi, 2016 a 19 <sup>eg</sup> o Fedi, 2016
<b>Pwnc:</b>	Tendro Gofal Cartref ar Ynys Môn
<b>Aelod(au) Portffolio:</b>	Cynghorydd Aled Morris Jones
<b>Pennaeth Gwasanaeth:</b>	Alwyn Jones, Pennaeth Gwasanaethau Oedolion
<b>Awdur yr Adroddiad:</b> Rhif Ffôn: E-bost:	Elin Williams, Rheolwr Rhaglen Trawsnewid Gwasanaethau Oedolion Hŷn 01248 751813 / <a href="mailto:ElinWilliams@ynysmon.gov.uk">ElinWilliams@ynysmon.gov.uk</a>
<b>Aelodau Lleol:</b>	Dim yn Berthnasol

#### **A – Argymhelliad/Argymhellion a Rheswm/Rhesymau**

##### **Sefyllfa Bresennol**

Mae yna tua 7 darparwr allanol yn darparu gofal ar Ynys Môn. Ar hyn o bryd gall darparwyr, ac mi fyddant yn gwneud hynny, wrthod pecynnau a allai fod yn anneniadol sy'n cynnwys pecynnau mewn ardaloedd hynod wledig neu becynnau anghenion cymhleth. Rhaid i unrhyw becynnau sy'n cael eu gwrthod gael eu darparu'n fewnol. Ar hyn o bryd, mae'n anodd yn aml iawn dod o hyd i ddarparwr sy'n fodlon darparu pecynnau gofal mewn rhai rhannau penodol o'r Ynys, sy'n arwain at wasanaeth anghyson yn cael ei gynnis ar draws yr Ynys.

Nid yw'r model hwn yn addas i'r awdurdod lleol bellach ac nid yw'n cynnig cymorth cyson o safon ar gyfer defnyddwyr sydd angen gofal a chymorth. Mae'r problemau yr ydym yn eu cael ar hyn o bryd hefyd yn arwain at oedi o ran pobl yn cael dod adref o'r ysbty.

Mae hefyd yn hanfodol ein bod yn cysylltu â'r farchnad gofal cartref er mwyn sicrhau ein bod yn cydymffurfio â gofynion rheolau sefydlog caffael yr awdurdod lleol.

##### **Ymgynghori ac Ymgysylltu**

Ymgynghorwyd ac ymgysylltwyd yn barhaus â defnyddwyr gwasanaeth a budd-ddeiliaid am y prosiect hwn, sydd wedi cyfrannu at ysgrifennu'r fanyleb ar gyfer y gwasanaeth hwn. Mae adborth a sylwadau am faterion megis TUPE, gofynion Iaith Gymraeg; pris ac ansawdd; monitro a rheoli contractau'n gadarn a hyfforddiant staff i gyd wedi eu hystyried a'u cynnwys o fewn y fanyleb.

##### **Opsiwn a ffeirir ar gyfer Darpariaeth Gofal Cartref a Buddion yn y dyfodol.**

Dros y flwyddyn ddiwethaf mae'r Rhaglen Trawsnewid Gwasanaethau Pobl Hŷn wedi bod yn edrych ar opsiynau ar gyfer cryfhau'r ddarpariaeth bresennol. Cytunwyd mai comisiynu ar

sail ardal yw'r ffordd ymlaen er mwyn cryfhau'r ddarpariaeth bresennol.

Argymhellir hyn gan:-

- Nad yw agweddau amgen yn ateb y diffyg darpariaeth bresennol yn y farchnad.
- Cylch cymharol fach o ddarparwyr sydd gan Ynys Môn. Mae risg y byddai proses dendro nad yw hi'n sicrhau darpariaeth yn achosi'r un problemau a wynebir ar hyn o bryd.
- Nod y dull hwn yw cryfhau'r ddarpariaeth yn y tymor byr a'r tymor hir drwy ddatblygu gofynion cytundebol clir a pherthnasau hir dymor gyda darparwyr.

Mae cynrychiolwyr o Fwrdd Iechyd Prifysgol Betsi Cadwaladr hefyd yn rhan o'r grŵp, ac maent wedi ymrwymo mewn egwyddor i gomisiynu gofal cartref ar y cyd yn y dyfodol, sy'n cynnwys Pecynnau Gofal CHC. Maent yn disgwyl cymeradwyaeth gweithredol terfynol i hyn ar hyn o bryd.

Wrth fabwysiadu'r agwedd hon, mae Ynys Môn yn parhau yn gysylltiedig â Phrosiect Gofal Cartref Gogledd Cymru, ac wedi ymwneud â'r gwahanol ffrydiau gwaith ac wedi'i ymrwymo i fod yn rhan o'r Fframwaith Gogledd Cymru newydd yn y man.

Rydym yn bwriadu rhoi tri chytundeb allan i dendr. Bydd y cytundebau hyn yn cael eu rhannu'n ardaloedd daearyddol sef Gogledd, Canol a De'r Ynys (bydd yr ardaloedd yn cael eu penderfynu'n derfynol yn seiliedig ar oriau gofal cartref eithaf cyfartal). Bydd ardaloedd hefyd yn cynnwys y ddarpariaeth gofal cartref o fewn y datblygiadau Tai Gofal Ychwanegol. Mae gennym un adnodd Gofal Ychwanegol ym Mhenucheldre ar hyn o bryd a fydd yn yr ardal sy'n cynnwys Caergybi ac wrth i eraill gael eu cwblhau, bydd yn rhaid i'r darparwr lleol ddarparu gofal cartref o fewn yr uned.

Er mwyn sicrhau trosglwyddiad mesuredig i'r contractau newydd bydd y contractau yn cael eu rhoi ar waith yn raddol, a bydd y defnyddwyr gwasanaeth lleiaf agored i niwed yn trosglwyddo gyntaf, yna'r rhai hynny â'r pecynnau gofal canolog ac yn olaf, y rheini â pheynnau gofal uchel. Bydd hyn yn digwydd dros gyfnod o 12 mis.

Mae darparwyr wedi eu hysbysu am y manylion sylfaenol a'r amserlen ar gyfer y tendr yn y Fforwm Darparwyr Gofal Cartref Annibynnol a gynhaliwyd ar 26 Gorffennaf. Ni fydd unrhyw fanylion ychwanegol yn cael eu rhyddhau tan y digwyddiadau 'Cwrdd â'r Prynwr' a gynhelir ychydig wythnosau cyn dechrau'r broses dendro.

Bydd y fanyleb a'r dogfennau tendro yn barod ar gyfer dechrau'r broses dendro ym mis Hydref/Tachwedd 2016. Bydd y tendr yn mynd ar Gwerthwchi Gymru gyda'r bwriad y bydd y darparwyr newydd yn cael eu cymeradwyo a'r contractau newydd yn dechrau ym Mai 2017.

I Grynhoi:

- Mae cael tri darparwr yn lleihau'r risg o ddarparwyr yn methu â darparu gwasanaeth.

- Mae llai o ddarparwyr contract yn golygu y gellir rheoli'r contract yn well.
- Mae agwedd fesul cam yn diogelu'r defnyddwyr gwasanaeth a hefyd yn caniatáu amser i'r darparwyr allu addasu i'r strwythur newydd. Bydd darparwyr nad ydynt yn llwyddiannus yn gallu dod â'u gwasanaeth i ben fesul dipyn, a bydd hyn yn lleihau'r heriau cysylltiedig ac yn lliniaru unrhyw risgiau a allai godi yn ystod y cyfnod trawsnewid.

Os nad yw defnyddwyr gwasanaeth yn dymuno derbyn gwasanaeth gan ddarparwr gwahanol, gallant ddefnyddio Taliadau Uniongyrchol i brynu gofal eu hunain. Darperir gwybodaeth glir er mwyn cefnogi defnyddwyr sy'n dymuno dewis yr opsiwn hwn.

## **B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?**

### **Opsiynau**

Mae'r opsiynau canlynol wedi cael eu hystyried ac mae pob opsiwn wedi cael ei werthuso, ei drafod ac wedi ei ymchwilio i adnabod pa opsiwn ydi'r un mwyaf buddiol ac effeithiol ar gyfer pob budd-ddeiliaid:

#### **Opsiwn 1- Gwneud dim**

Hwn yw'r model broceriaeth sydd mewn lle yn bresennol. Mae'r model broceriaeth yn cynnig dewis i'r person sydd yn cael ei gefnogi. Mae darparwyr gofal yn cael eu clustnodi yn seiliedig ar ddewis y defnyddiwyd gwasanaeth ac ar argaeledd.

#### **Opsiwn 2- Cytundeb Partneriaeth**

Mae model cytundeb partneriaeth yn fodel ble mae'r Cyngor yn mynd allan i Tendr Agored ar gyfer darparwr i ddarparu pob pecyn gofal ar draws yr Ynys. Bydd y Cyngor yn gweithio yn agos gyda'r darparwr er mwyn sicrhau eu bod yn gweithio mewn ffordd cydweithrediadol, a bod prosesau yn cael eu rhoi mewn lle er mwyn sicrhau rheolaeth cytundeb a pherthynas dda. Gyda'r opsiwn yma mae yna risg o'r darparwr yn methu ac felly mae'n bosib bod angen tendro ar gyfer mwy nag un darparwr.

#### **Opsiwn 3- Comisiynu ar sail Ardaloedd**

Mae'r ymagwedd yma yn golygu mynd allan i dendr am dri cytundeb. Bydd y cytundebau hyn yn cael eu rhannu i ardaloedd daeryddol sef yn fras bydd yn Gogledd, Canol a De'r Ynys. Fel yr amlygir uchod, dyma'r opsiwn â ffafrir.

## **C – Am ba reswm y mae hwn yn benderfyniad i'r Pwyllgor Gwaith?**

Mae angen penderfyniad gan y Pwyllgor Gwaith fel ein bod yn gallu mynd allan i dendr.

**CH – A yw'r penderfyniad hwn yn gyson â'r polisi a gymeradwywyd gan y Cyngor llawn?**

Ddim yn berthnasol.

**D – A yw'r penderfyniad hwn o fewn y gyllideb a gymeradwywyd gan y Cyngor?**

Ddim yn berthnasol gan bod y gyllideb wedi ei gymeradwyo yn barod.

**DD – Gyda phwy wnaethoch chi ymgynghori?****Beth oedd eu sylwadau?**

1	<b>Prif Weithredwr / Uwch Dim Arweinyddiaeth (UDA)</b> (mandadol)	Yn cytuno gyda'r argymhelliad.
2	<b>Cyllid / Adran 151</b> (mandadol)	
3	<b>Cyfreithiol / Swyddog Monitro</b> (mandadol)	
4	<b>Adnoddau Dynol (AD)</b>	
5	<b>Eiddo</b>	Dim yn berthnasol.
6	<b>Technoleg Gwybodaeth Cyfathrebu (TGCh)</b>	Dim yn berthnasol.
7	<b>Caffael</b>	
8	<b>Sgriwtini</b>	
9	<b>Aelodau Lleol</b>	
10	<b>Unrhyw gyrff allanol / arall/eraill</b>	

**E – Risgiau ac unrhyw gamau lliniaru (os yn berthnasol)**

1	<b>Economaidd</b>	
2	<b>Gwrthdodi</b>	
3	<b>Trosedd ac Anhrefn</b>	
4	<b>Amgylcheddol</b>	
5	<b>Cydraddoldebau</b>	
6	<b>Cytundebau Canlyniad</b>	
7	<b>Arall</b>	

**F - Atodiadau:**

Dim atodiadau.

**FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):**

Dim papurau ychwanegol.